

ԽՈՐՀՐԴԱՅԻՆ ԱԿԱՆԱՎՈՐ ԴԻՎԱՆԱԳԵՏԸ

(Լ. Մ. Կարախանի ծննդյան 100-ամյակի առթիվ)

2. Յ. ԼԻՆՅԱՆ

Խորհրդային դիվանագիտության պատմության մեջ Լևոն Միքայելի Կարախանը (Կարախանյանը) իրավամբ առանձնահատուկ տեղ է գրավում: Նրա անվան հետ է անխզելիորեն կապված խորհրդային դիվանագիտության առաջին 20 տարիների պատմությունը: Բրեստի հաշտությունն ու երիտասարդ խորհրդային պետության մերձավոր հարևանների հետ հարաբերությունների կարգավորումը, Արևելքի երկրների հետ իրավահավասար բարիդրացիական հարաբերությունների հաստատումը, մասնակցությունը արտաքին քաղաքական ապարատի՝ արտաքին գործերի ժողովրդական կոմիսարիատի ստեղծմանը, խորհրդային դիվանագիտական և հյուպատոսական ծառայության աշխատանքը կանոնակարգող կարևորագույն շատ փաստաթղթերի նախապատրաստումը՝ այս ամենը սերտորեն շաղկապված է Լևոն Կարախանի անվան հետ:

* * *

Խորհրդային կառավարությունը 1917 թ. դեկտեմբերի սկզբներին ձեռնամուխ եղավ Բրեստ-Լիտովսկում կայանալիք առաջիկա հաշտության բանակցություններում պատվիրակության կազմի ընտրությանը: Վ. Ի. Լենինը և Յա. Մ. Սվեբլովը ի դեմս Կարախանի տեսնում էին ընդունակ, կրթված և հեղափոխության գործին նվիրված գործչի: Ուստի, երբ կազմավորվեց մեր պատվիրակությունը, Կարախանի անունը գրվեց առաջինների թվում:

Բրեստի բանակցությունների բարդ իրադրության մեջ Կարախանը հանդես է բերում բացառիկ կամք, կայունություն և նվիրվածություն կուսակցության գործին: Այսպես սկսվեց Լ. Մ. Կարախանի դիվանագիտական գործունեությունը: Լինելով հաշտության խորհրդային պատվիրակության քարտուղարը, Կարախանը մշտապես Վ. Ի. Լենինին տեղեկություններ էր հաղորդում բանակցությունների ընթացքի մասին:

Գ. Վ. Ջիչերինը, Լ. Մ. Կարախանը և պատվիրակության մյուս անդամները հաջողությամբ են կատարում Կենտրոնական կոմիտեի առաջադրանքը՝ ստորագրում են պատերազմը դադարեցնելու վերաբերյալ Բրեստի հաշտության պայմանագիրը:

Երիտասարդ խորհրդային հանրապետության արտաքին գործերի ժողովրդական կոմիսարիատը աշխատում էր գրեթե գիշեր-ցերեկ: Կոմիսարիատի աշխատակիցների վրա դրված էր վիթխարի պատասխանատվություն. հարկավոր էր ամենաբարդ պայմաններում ապահովել երիտասարդ հանրապետության արտաքին քաղաքական ապարատի հստակ աշխատանքը:

Հատկապես մեծ աշխատանք կատարեց ժողովրդական կոմիսար Ջիչերինը: Ժողովուրդի լավագույն ընկերը, նրա տեղակալը երեսնամյա Լև Կարախանն էր: 1918 թ. սկզբից Լ. Մ. Կարախանը արտաքին գործերի ժողովրդական կոմիսարիատի կոլեգիայի կազմում էր, իսկ նույն թվականի մարտին նշանակվում է արտգործկոմի տեղակալ: Ժողովրդական կոմիսար Գ. Վ. Ջիչերինի հետ միասին Լ. Մ. Կարախանը ակտիվ մասնակցություն է ցուցաբերում ժողկոմատի կազմակերպման աշխատանքներին: Հաղթահարելով վիթխարի դժվարություններ, Արտգործժողկոմատը Վ. Ի. Լենինի շնորհաբերող աշխատության պայմաններում ուժ ու եռանդ է հավաքում Ջիչերինի, նրա

տեղակալ Կարախանի ղեկավարությամբ և շուտով դառնում օրինակելի հիմնարկություն: Արտաքին գործերի ժողովրդական կոմիսարիատում Լ. Մ. Կարախանը զբաղվում էր կադրերի ընտրության ու տեղաբաշխման, տնտեսական հարցերով, արձանագրություններով և արտաքին քաղաքական ապարատի բազմաթիվ այլ խնդիրներով:

Մշտական անձնական կապերը Վլադիմիր Իլյիչի հետ, դանաղան արտաքին-քաղաքական հարցերի համատեղ քննարկումները Լ. Մ. Կարախանին օգնեցին յուրացնելու աշխատանքի լենինյան ոճը և դառնալու խորհրդային խոշոր դիվանագետ, որին կուսակցությունը ուղարկում էր դիվանագիտական ճակատի ամենավճռական տեղամասերը: Ժողկոմ Գ. Վ. Զիլերինը բարձր էր գնահատում Լ. Մ. Կարախանին: Ահա թե ինչ է գրում նա Վ. Ի. Լենինին իր տեղակալի մասին. «Մինչև այժմ մեղ հարկ է եղել միանգամայն անբավարար ուժերով և ապարատի պրիմիտիվ սաղմով գլուխ բերել վիթխարի աշխատանք: Ես կարող եմ համարձակորեն ասել, որ մեղ խեղդող խիստ պատասխանատու քաղաքական աշխատանքում վերջին ամիսների մեր պայքարը մի շարք պետությունների հետ հարաբերությունների դարգացման պայմաններում, ուղղակի հերոսական էր: Մենք ի վիճակի եղանք դրանից գլուխ հանել միայն շնորհիվ այն բանի, որ ընկ. Կարախանի հետ բացարձակապես համերաշխ եղանք, քանի որ կես խոսքից իրար հասկանում ենք առանց ժամանակ կորցնելու դատողությունների վրա և առանց դժվարություն բաշխում ենք աշխատանքը, բացարձակապես ընտելացել ենք բաժանել այն միմյանց միջև: Մի խոսքով, ես կատարում եմ ավելի ընդհանուր քաղաքական աշխատանքը, իսկ նա՝ մանրամասնությունների մի ծով աշխատանք, որոնցից նա կարողանում է գլուխ հանել միայն գործերում արագ և հեշտ կողմնորոշվելու և դրանք ընդգրկելու իր հիանալի ընդունակություն, իր պարզ, առողջ դատողության և հիանալի քաղաքական հոստոունքայն շնորհիվ, որը նրան բացարձակապես անփոխարինելի է դարձնում այդ բնագավառում»¹:

1918 թվականին խորհրդային պետության արտաքին քաղաքական դրությունը արտակարգ բարդ էր: Երիտասարդ խորհրդային պետությանը հարկ եղավ պայքար կազմակերպել ոչ միայն ԱՄՆ-ի, Անգլիայի, Ֆրանսիայի, Դապոնիայի իմպերիալիստների ինտերվենցիայի, այլև գերմանական ինտերվենցիայի դեմ: Այդ դժվարին պահին մեծ ուշադրություն դարձնելով ընդհանուր քաղաքական հարցերին, Լ. Մ. Կարախանը հսկայական շահագործվածություն հանդես բերեց Անդրկովկասի գործերի դրության նկատմամբ:

1918 թ. ապրիլի 12-ին արտաքին գործերի ժողովրդական կոմիսարիատը Գ. Վ. Զիլերինի և Լ. Մ. Կարախանի ստորագրությամբ Գերմանիայի արտաքին գործերի մինիստրին ուղարկեց հետևյալ նոտան. «Թուրքական զորքերի հարձակումը Կովկասյան ճակատում ուղեկցվում է հայ բնակչության մասսայական բնաջնջմամբ. խաղաղ բնակչությունը, կանայք և երեխաները սպանվում են հազարներով, նրանց ունեցվածքը կողոպտուի և հրի է մատնվում: Այն պայմանագիրը, որ մենք հարկադրված եղանք ստորագրելու Բրեստում, Արդահանի, Ղարսի և Բաթումի օկրուգների բնակչության բախտը թողեց բուն բնակչության կամքին: Այդ օկրուգներում տեղի ունեցած դեպքերը վկայում են, որ հայ ժողովրդի բնաջնջման տասնյակ տարիներով կիրառվող քաղաքականությունը շարունակվում է նաև այժմ: Թուրքական ռազմաճակատներում գերակշռությունը Ռուսաստանի կողմն էր, որը հարկադրված եղավ Արդահանը, Ղարսը, Բաթումը հանձնել միայն այն պատճառով, որ Թուրքիայի դաշնակիցը Գերմանիան էր:

Պատասխանատվությունը այն սարսափների համար, որոնց ենթարկվում է հայ ժողովուրդն այժմ թուրքական զորքերի գրաված օկրուգներում, ընկ-

¹ Видные советские коммунисты—участники китайской революции. М., 1970, с. 8.

նում է գերմանական կառավարության վրա, որի ուղղակի օգնությամբ Թուրքիան յուրացրել է այդ օկրուգները»:

Բաքվի վրա թուրքական զորքերի հարձակման կապակցությամբ Արտգործոցնախարարը 1918 թ. սեպտեմբերի 20-ին Թուրքիայի արտաքին գործերի մինիստրությանը ուղարկեց Կարախանի կազմած նոտան: Նրանում նշվում էր, որ 1918 թվականի մարտի 3-ի Բրեստ-Լիտովսկի հաշտության պայմանագիրը նոր տերիտորիալ-քաղաքական հարաբերություններ է հաստատել Ռուսաստանի և Թուրքիայի միջև: Նախկինում Ռուսաստանյան հանրապետության կազմի մեջ մտնող Ղարսի, Արգահանի, Բաթումի բնակչությանը իրավունք տրվեց «նոր կարգ հաստատել հարևան պետությունների, հատկապես Թուրքիայի հետ»: Արտգործոցնախարարի նոտան վճռականորեն դատապարտում էր թուրքական զինվորականության անօրինականությունները անպաշտպան հայ բնակչության նկատմամբ:



Ինչպես հայտնի է, Թուրքիան 1920 թ. նոր ագրեսիա սկսեց Անդրկովկասի և հատկապես Հայաստանի դեմ: Այդ դժվարին օրերին խորհրդային կառավարությունը, մտահոգված լինելով հայ ժողովրդի բախտով և Ադրբեյջանի ու Վրաստանի համար ստեղծված վրտանգով, միջնորդության առաջարկություն արեց: Առաջարկությունների նախապատրաստմամբ զբաղվեց արտաքին գործերի ժողովրդական կոմիսարիատը Լ. Մ. Կարախանի ակտիվ մասնակցությամբ:

Մեծ է Լ. Մ. Կարախանի դերը հարևան երկրների՝ հատկապես Արևելքի երկրների հետ բարեկամական հարաբերություններ հաստատելու գործում:

1919 թ. ապրիլին արտաքին գործերի ժողովրդական կոմիսարիատը Լ. Մ. Կարախանի վրա դրեց Արևելյան բաժնի ղեկավարությունը: 1919—1920 թթ. արտաքին գործերի ժողովրդական կոմիսարիատը նրա անմիջական մասնակցությամբ մի շարք դիմումներ մշակեց՝ ուղղված Արևելքի ժողովուրդներին, որոնցում մանրամասնորեն շարադրված է խորհրդային պետության արտաքին քաղաքականությունը:

Պարսից կառավարությանը և ժողովրդին ուղղված ՌԽՖՍՀ կառավարության դիմումի մեջ, որն ստորագրվել է Լ. Մ. Կարախանի կողմից 1919 թ. հունիսի 26-ին, ասված է, որ «Արտգործոցնախարարը պարսից ժողովրդին տեղյակ է պահել Պարսկաստանի նկատմամբ խորհրդային Ռուսաստանի քաղաքականության գլխավոր սկզբունքների մասին»:

1919 թ. հունիսի 25-ին հրապարակվեց ՌԽՖՍՀ կառավարության հայտնի դիմումը չին ժողովրդին և Հարավային ու Հյուսիսային Չինաստանի կառավարություններին: Այդ կարևորագույն փաստաթղթերի տակ դրված էր Լ. Մ. Կարախանի ստորագրությունը:

Խորհրդային կառավարության անունից Լ. Մ. Կարախանը հարաբերությունների մեջ մտավ կապիտալիստական երկրների խոշոր գործիչների հետ՝ վճռականորեն պաշտպանելով երիտասարդ խորհրդային հանրապետության շահերն ու իրավունքները, հանրապետություն, որին դեռևս չէին ճանաչում իմպերիալիստական խոշոր պետությունները:

Լ. Մ. Կարախանի ղեկավանալու քաղաքական գործունեության մեջ հատուկ տեղ է գրավում Հեռավոր Արևելքը և մասնավորապես Չինաստանը: Չինաստանում իր աշխատանքի ընթացքում Լ. Մ. Կարախանը ղեկավարվել է Վ. Ի. Լենինի ցուցումներով այն մասին, որ «պայքարի ելքը, վերջին հաշ-

վով, կախված է այն բանից, որ Ռուսաստանը, Հնդկաստանը, Չինաստանը և այլն կազմում են բնակչության մեծամասնությունը»:

Կարախանի կողմից ստորագրված ՌԽՖՍՀ կառավարության վերը ներշնչված դիմումը՝ ուղղված չին ժողովրդին և Հարավային ու Հյուսիսային Չինաստանի կառավարություններին, հանդիսանում է երիտասարդ խորհրդային հանրապետության առաջին ծրագրային փաստաթուղթը Չինաստանի նկատմամբ:

Այդ ժամանակ խորհրդային կառավարության առաջարկությունները չայն արձագանք գտան ոչ միայն Չինաստանում, այլև նրա սահմաններից դուրս: Խորհրդային առաջարկությունները պատմության մեջ մտան որպես «Կարախանի դեկլարացիա»²:

1923 թ. սկզբին հիվանդության պատճառով Չինաստանից վերադարձավ Պեկինում խորհրդային դիվանագիտական միսիայի ղեկավար Ա. Ա. Իոֆֆեն: Ժողովում Գ. Վ. Չիչերինի առաջարկությամբ Չինաստանի հետ դիվանագիտական հարաբերություններ հաստատելու համար Պեկին բանակցությունների ուղարկվեց Լ. Կարախանը: Պեկինում խորհրդային ներկայացուցիչը հանդես է գալիս զեկուցումներով, ճառերով և հարցազրույցներով, որոնցում չին ժողովրդին բացատրում է խորհրդային կառավարության քաղաքականությունը արևելյան պետությունների և ժողովուրդների նկատմամբ: ԽՍՀՄ-ի և Չինաստանի միջև դիվանագիտական հարաբերությունների հաստատման նախապատրաստության ընթացքում ծավալված իր գործունեության մեջ Կարախանը հենվել է չին ժողովրդի ռեալիստորեն մտածող առաջավոր գործիչների վրա: Դա հատկապես երևում է չին ժողովրդի մեծ ղավակ Սուն Յաթ Սենի հետ նրա բարեկամության օրինակով: Պեկին ժամանելով, Կարախանը Սուն Յաթ Սենի անունով, այն ժամանակ կազմավորվող Հարավային Չինաստանի կառավարությանը հղում է հետևյալ հեռագրերը. «Խորհրդային Սոցիալիստական Հանրապետությունների Միությունը ինձ ուղարկել է Ձեր երկիրը, նկատի ունենալով մեր երկու երկրների ընդհանուր շահերը իրականացնելու անկեղծ ցանկությունը, դրանք ամուր, անխախտելի հիմքի վրա իրականացնելու շահերը:

...Թանկագին դոկտոր, դուք նոր Ռուսաստանի հին բարեկամն եք, և Ձեր օգնությունը ես համարում եմ կարևոր՝ մեր երկու ժողովուրդների միջև ամենասերտ հարաբերություններ հաստատելու մեծ խնդրի իրականացման գործում»³:

«Ես խորապես զգացված եմ նոր Ռուսաստանի նկատմամբ իմ մշտական բարեկամությանը Ձեր տված մեծահոգի գնահատականի համար,— պատասխան հեռագրում Կարախանին գրել է Սուն Յաթ Սենը,— Եվ ես հաստատում եմ, որ մեր երկրների իսկական շահերը պահանջում են մշակել ընդհանուր քաղաքականություն»:

Այդ հեռագրում Սուն Յաթ Սենը բարձր է գնահատել Պեկինի կառավարության հետ բանակցությունների ընթացքում Կարախանի արած այն հայտարարությունը, որ Չինաստանի նկատմամբ վարվող քաղաքականության մեջ «Ռուսաստանը երբեք չի հետևի ԱՄՆ-ի օրինակին»...

Ռուսաստանը հրաժարվում է բոլոր կոնցեսիաներից ու արտոնություններից, որոնք խախտում են չին ժողովրդի սուվերենությունն ու շահերը: Չինաստանի հետ ունեցած իր հարաբերություններում Ռուսաստանը հաստատում է լրիվ և բացարձակ հավասարության սկզբունքը: Սուն Յաթ Սենը Կարախանին հղած հեռագրում գրում է. «Չին ժողովրդի անունից ես պետք է ողջունեմ և շնորհակալություն հայտնեմ Ձեր քաղաքական ռեալիզմի այդ հիշարժան դասի համար, որը տրվել է Պեկինի այժմյան տերերի այդ հնազանդ սպասավորին»⁴:

² Նույն տեղում, էջ 10:

³ Документы внешней политики СССР. Т. VI, М., 1962, с. 435.

⁴ Նույն տեղում, էջ 436:

Հակառակ Պեկինի դեկավարների ցանկության, որոնք ծառայում էին իմպերիալիստական տերություններին, Չինաստանի առաջադեմ հասարակությունը պնդում էր անհապաղ պայմանագիր կնքել Խորհրդային Միության հետ: Ամենուրեք տեղի էին ունենում ժողովներ, որոնցում ընդգծվում էր նոր Ռուսաստանի հետ դիվանագիտական հարաբերությունները շուտափույթ վերականգնելու գաղափարը: Գոմինգանի առաջին համագումարը, որը տեղի ունեցավ 1924 թ. հունվարի վերջերին Կանտոնում, արտահայտեց իբրև սկզբնական վերաբերմունք մեր երկրի նկատմամբ: Լ. Մ. Կարախանին համագումարի հղած հեռագրում, որը գրել էր Սուն Յաթ Սենը, նշվում է. «Համագումարը անկեղծորեն հույս է գնում բոլոր երկրների ժողովուրդների համակրանքի վրա և երախտապարտ է ռուս ժողովուրդին, որն առաջինը արտահայտեց այդպիսի զգացմունքներ: Չինաստանի և Ռուսաստանի ժողովուրդները պետք է գործեն համատեղ, ընթանալով ազատության և արդարության ուղիով: Գոմինգանի համալինական համագումարի անունից եղբայրական ողջուն են հղում մեծ հարևանին՝ Խորհրդային Ռուսաստանին»⁵:

Այն օրերին Լ. Մ. Կարախանը անխոնջ աշխատանք էր կատարում Խորհրդային կառավարության ցուցումները իրականացնելու ուղղությամբ: Նա հանդես բերեց ականավոր դիվանագետի կարողություններ, որը և, վերջապես, 1924 թ. մայիսի 31-ին հանգեցրեց «ԽՍՀՄ-ի և Չինական հանրապետության միջև հարցերի կարգավորման համար ընդհանուր սկզբունքների վերաբերյալ համաձայնագրի» ստորագրմանը:

Լ. Մ. Կարախանին զբաղեցնում էին ոչ միայն «գուտ» չինական գործերը, ինչպես Պեկինում, նա բանակցություններ էր վարում Ճապոնիայի հետ, որոնք Խորհրդային դեսպանի դիվանագիտական կարողության և արվեստի շնորհիվ ավարտվեցին 1925 թ. հունվարի 20-ի պայմանագրի կնքմամբ:

Լև Միխայլովիչ Կարախանի Մոսկվա վերադառնալուց հետո, Գ. Վ. Զիչերինը, որը արտասահման էր մեկնել բուժման, Կարախանին խնդրեց անհապաղ զբաղվել ժողովրդատի Արևելքի գործերի հարցերով:

Զիչերինի առաջարկությամբ Արտգործժողովրդատի կոլեգիան որոշում ընդունեց այն մասին, որպեսզի Լ. Մ. Կարախանը նրան փոխարինի հիվանդության ժամանակաընթացքում: Շուտով Կարախանը պաշտոնապես աշխատանքի թողնվեց Մոսկվայում, վարելով արտաքին գործերի ժողովրդական կոմիտեի տեղակալի պարտականությունները:

1925 թ. վերջին Չինաստանում դրությունը փոխվելու կապակցությամբ որոշում ընդունվեց Կարախանի անհապաղ Պեկին վերադառնալու մասին: Նորից Պեկին գալով՝ Լ. Մ. Կարախանը, Խորհրդային մյուս դիվանագետները ստիպված եղան անհավատալի ջանքերի գնով, երբեմն կյանքը վտանգի ենթարկելով հետևողականորեն հասնել Խորհրդային կառավարության դիրեկտիվների կենսագործմանը, Խորհրդա-չինական հարաբերությունների ամրապնդմանը:

1926 թ. օգոստոսին Կարախանը վերջնականապես վերադարձավ Մոսկվա: Հետագայում նա այցելել է Իրան և Թուրքիա, 1929 թ. ստորագրել է Խորհրդա-թուրքական համաձայնագիր՝ բարեկամության և շեղճության վերաբերյալ պայմանագիրը երկարաձգելու մասին, դանազան բանակցություններում եղել է Խորհրդային պատվիրակությունների կազմում, մասնակցել է միջազգային հանդիպումների, բազմիցս կատարել ժողովրդի պարտականությունները:

1921 թ. աշնանը Լ. Մ. Կարախանը լիազոր ներկայացուցիչ էր նշանակվել լեհաստանում: Չնայած այդ երկրում գտնվելու կարճ ժամկետին (1922 թ. հունվարին Կարախանը նորից ետ է կանչվում Մոսկվա), նա կարողանում է լեհական կառավարության հետ համաձայնագիր կնքել երկրից հակահեղափոխական, հակասովետական գործիչներին (Սավինկովին, Պետլուրային և մյուսներին) արտաքսելու մասին: Այն ժամանակ դա կարևոր նշանակություն

⁵ Նույն տեղում:

ունեցաւ Լեհաստանից սպիտակգլարդիական ջոկատների մշտական հարձակումները դադարեցնելու գործում:

Մոսկվա վերադառնալուց հետո, երեսուներեքամյա Կարախանը ժողկոմ Չիչերինի՝ Ճենովայի կոնֆերանսին մեկնելու կապակցութեամբ, մինչև 1922 թ. վերջը կատարեց ժողկոմի պարտականութիւնները:

1925 թ. մնալով Չինաստանում որպէս ԽՍՀՄ լիազոր ներկայացուցիչ, Լ. Մ. Կարախանը միաժամանակ նշանակվեց արտաքին գործերի ժողովրդական կոմիսարի տեղակալ: 1930 թ. նա ժողկոմի երկրորդ տեղակալը և ՌԽՖՍՀ կառավարութեան առնթեր Արտգործժողկոմատի լիազորն էր:

1934—1937 թվականներին Լ. Մ. Կարախանը Խորհրդային Միութեան լիազոր ներկայացուցիչն էր Թուրքիայում: Կարախանի գործունեութեան այս ժամանակաշրջանը այդ երկրում խորհրդային պետութեան շահերի պաշտպանութեան ուղղութեամբ դիվանագիտական ակտիվ գործունեութեան, խորհրդաթուրքական հարաբերութիւնները պահպանելու համար լուրջ ջանքերի գործադրման ժամանակաշրջանն էր:

1930-ական թթ. կեսերին նախանշվում էր խորհրդա-թուրքական հարաբերութիւնների վատացում: Օտարերկրյա իմպերիալիստների աջակցութեամբ Թուրքիայում է՛լ ավելի ակտիվ սկսեցին գործել ծայրահեղ հետադիմական շրջանները, զգալի հետք թողնելով թուրքական կառավարութեան արտաքին քաղաքականութեան վրա: Թուրքիան բացահայտորեն ոտք գրեց իմպերիալիստական տերութիւնների հետ բոլոր կազմելու ուղին: Քաղաքական այդպիսի բարդ պայմաններում Լ. Մ. Կարախանը ԽՍՀՄ Կենտրոնական գործադիր կոմիտեի 1934 թ. հուլիսի 29-ի որոշմամբ նշանակվեց Թուրքիայում ԽՍՀՄ արտակարգ և լիազոր դեսպան:

1935 թ. վերջերից առաջին անգամ սկսեցին զգացվել Թուրքիայի արտաքին քաղաքականութեան բուն հիմքերի շեշտակի փոփոխութիւնները: Հարեշատանի վրա Իտալիայի հարձակումից հետո Միջերկրական ծովի ավազանում դրութիւնը արտառովող տաքնապալի դարձավ: Թուրքիան որոշակի վախ էր զգում իտալական հնարավոր ագրեսիայի հանդեպ: Այդ պայմաններում կանխատեսվում էր Թուրքիայի մերձեցումն Անգլիայի հետ, նրա ներգրավումը բրիտանական արտաքին քաղաքականութեան ոլորտը:

Ինչպէս հայտնի է, Անտանտի տերութիւնների կողմից, առանց ԽՍՀՄ-ի մասնակցութեան, նեղուցների ռեժիմի վերաբերյալ կնքված Լոզանի պայմանագիրը չէր ապահովում Թուրքիայի անվտանգութիւնը: Այդ պատճառով էլ 1936 թ. ապրիլին Թուրքիան առաջարկեց նոր կոնֆերանս հրավիրել Լոզանի ռեժիմը վերանայելու համար:

ԽՍՀՄ դեսպան Լ. Մ. Կարախանը խորհրդային կառավարութեանը պարբերաբար իրազեկ էր պահում Մոնտրոյում (Շվեյցարիա) գումարվելիք կոնֆերանսի նախապատրաստութեան, արևմտյան տերութիւնների դիվանագիտական բարդ խաղի մասին, որոնք ձգտում էին ԽՍՀՄ-ի թիկունքում իրենց օգտին վճռել սեփական նեղուցների հարցը:

Շիմնվելով ԽՍՀՄ դեսպանութեան առաջարկութիւնների վրա, Թուրքիայի նկատմամբ մեր վարած քաղաքականութեանը համապատասխան, Խորհրդային Միութեան առաջինը համաձայնութիւն տվեց նեղուցների վերաբերյալ նոր կոնֆերանս հրավիրելու Թուրքիայի առաջարկութեանը:

Մոնտրոյի կոնֆերանսում, որը տեղի ունեցավ 1936 թ. հունիս-հուլիսին, սուր բանավեճ ծավալվեց այն կապակցութեամբ, որ Մեծ Բրիտանիան փորձ էր անում սեփական և ոչ սեփական տերութիւնների «հավասարութեան» անվան տակ սահմանափակել Բոսֆորով և Դարդանելով խորհրդային ռազմանավերի անցնելու իրավունքը: Դրութիւնը բարդացել էր նաև նրանով, որ թուրքական պատվիրակութիւնը պայմանավորվել էր Մեծ Բրիտանիայի պատվիրակութեան հետ: Անկարայում ԽՍՀՄ դեսպան Լ. Մ. Կարախանը խիստ զատապարտեց թուրքական պատվիրակութեան նման վարքագիծը:

ԽՍՀՄ-ի կայուն դիրքը կանխեց կոնֆերանսի ձախողումը և ապահովեց

Համաձայնեցված որոշումների ընդունումը: Նեղուցների ռեժիմի վերաբերյալ նոր կոնվենցիայի համապատասխան Թուրքիան իրավունք ստացավ վերառազմականացման ենթարկել նեղուցների գոտին: Բոլոր երկրների առևտրական նավերը իրավունք ստացան ազատորեն անցնել նեղուցներով խաղաղ և պատերազմական ժամանակ: Սեփական տերությունները խաղաղ ժամանակ նեղուցներով կարող էին անցկացնել իրենց բոլոր կարգի ռազմանավերը: Բոսֆորի և Դարդանելի ռեժիմի վերաբերյալ նոր կոնվենցիայի ընդունումը խորհրդային դիվանագիտության նոր հաջողությունն էր:

Մոնտրյույում կայացած կոնֆերանսը շրջադարձային կետ հանդիսացավ վտանգավոր տենդենցների զարգացման գործում, որոնք ավելի վաղ նկատվում էին Թուրքական արտաքին քաղաքականության մեջ: Այն տարիների դիվանագիտական սյուրթերի և փաստաթղթերի ուսումնասիրությունը ցույց է տալիս, որ թեև Թուրքական դիվանագիտությունը խոսքով հայտարարում էր, որ Թուրքիայի քաղաքականության մեջ ոչ մի փոփոխություն տեղի չի ունեցել և որ խորհրդա-թուրքական տարաձայնությունները Մոնտրյույի կոնֆերանսում միայն թյուրիմացության արդյունք էին և որ Թուրքական կառավարությունը առաջվա նման իՍՂՄ-ի հետ բարեկամությունը համարում է իր քաղաքականության անփոփոխ սկզբունքը, սակայն իրականում վարում էր իր տրադիցիոն խորամանկահյուս դիվանագիտությունը արևմտյան տերությունների և, առաջին հերթին, Անգլիայի հետ շոդոքորթելով ի վնաս իՍՂՄ-ի շահերի: Թուրքիայի մինիստրների խորհրդի նախագահ Ինենյուն Մոսկվայի իր դեսպանին ուղարկած հեռագրում փորձում էր իՍՂՄ-ին հավաստիացնել նրա հետ բարեկամությանը հավատարիմ լինելու մեջ, և այն բանում, որ Թուրքիան երբեք չի հարի իՍՂՄ-ի շահերի դեմ ուղղված որևէ ձեռնարկման:

Մոնտրյույի կոնֆերանսի նախօրյակին Լ. Մ. Կարախանը իՍՂՄ Արտգործողության հաղորդեց այն մասին, որ Թուրքական մինիստր Արասը «Աթաթուրքի և Ինենյունի հետ խորհրդակցելու շնորհիվ վերադարձավ Թուրքական նախկին առաջարկությանը՝ նեղուցների վերաբերյալ համաձայնագրի կնքմանը, որի էությունն այն է, որ մեզ կամ Թուրքերին սպառնալու դեպքում մենք կօգնենք միմյանց՝ նեղուցները պաշտպանելու: Արասը ընդգծել է, որ մեզ հետ միայն ալդալիսի համաձայնությունը Թուրքիան կդարձնի կայուն և նեղուցներում կապահովի այնպիսի ռեժիմ, որը միատեսակ շահավետ կլինի երկու կողմի համար»:

Մի փոքր սլվելի ուշ, Մ. Մ. Լիտվինովը ժնեկց իՍՂՄ Արտգործողության հաղորդեց, որ Մոնտրյույում գտնվող մինիստր Արասը «ժխտում է նեղուցների փոխադարձ պաշտպանության առաջարկությանը վերաբերող Կարախանի հաղորդումը» և պնդում է, որ «ինքը խոսել է փոխադարձ օգնության պայմանագրի մասին»:

Միանգամայն հայտնի դարձավ, որ Թուրքիան իր արտաքին քաղաքականության կարևորագույն հարցերում հետևում է իր արևմտյան պարտնյորների և, մասնավորապես, Անգլիայի գծին: Այդ մասին Մոսկվայում Թուրքական դեսպանին ուղղակիորեն հայտարարվեց, որ Թուրքիան ներկայումս իր արտաքին քաղաքականության մեջ զրկված է լրիվ ազատությունից և որ նա ըստ համաձայնության կամ կամուրջի հարկադրված է հաշի առնել ուրիշ կառավարությունների կարծիքը:

1936 թ. հոկտեմբերի վերջին Թուրքիայի արտաքին գործերի մինիստրը իՍՂՄ դեսպանատանը այցելեց հիվանդ Կարախանին: Իր ընդարձակ մենախոսությունում մինիստրը նորից խոսում է պայմանագրի մասին. «Անհրաժեշտության դեպքում Թուրքիան չի կարող օգնել ավելի, քան ագրեսորի նավատորմի համար նեղուցները փակելով, Թուրքիան դեռևս բավարար չափով

6 Документы внешней политики СССР. Т. XIX, М., 1967, с. 753.

7 Նույն տեղում:

8 Տե՛ս նույն տեղում, էջ 502:

լի զինված, որպեսզի գործի իր տերիտորիայի սահմաններից դուրս»:

Լ. Մ. Կարախանը կռահեց թուրքական կառավարության մանյովրը: Նա հստակ Արտգործոց նախարար Հաղորդեց Արասի հետ ունեցած իր զրույցի մասին, որի ընթացքում նա ուղղակի ասաց, որ թուրքերը այն «պայմանագրի առթիվ, որը հենց իրենք են առաջարկել, խորհրդի համար դիմել են անգլիացիներին: Խորհուրդ են ստացել մեզ հետ համաձայնության չգալ, մեզնից թաքցնելով Անգլիայի հետ բանակցությունների փաստը»⁹:

Կարախանի այդ կանխագուշակումը հաստատվեց Իննյուտի հետ նրա զրույցից մի քանի օր հետո, որին խորհրդային դեսպանը հայտարարեց. «Մենք եվրոպական մի մայրաքաղաքից տեղեկություն ենք ստացել, որն ուղղակի ասում է, թե մեզ հետ կնքվելիք պայմանագրի կապակցությամբ թուրքական կառավարությունը հարցրել է անգլիական կառավարության կարծիքը և խորհուրդ է ստացել մեզ հետ պայմանագրի չկնքել»: Իննյուտն շքողոքեց, հաղորդել է Կարախանը, այլ սահմանափակվեց միայն հանդիմանելով, որ Ռիբենք, Իհարկե, կարծիքներ են փոխանակում միջազգային տարբեր հարցերի շուրջը»¹⁰:

Թուրքերը, գիտակցելով, որ հստակ վարում են երկակի քաղաքականություն, ամեն կերպ փորձում էին մեղմացնել ստեղծված վիճակը, որը առաջացել էր հստակ վարում պայմանագրի կնքելու վերաբերյալ իրենց արտաքին գործերի մինիստրի շտաբոված հայտարարության հետևանքով: 1936 թ. նոյեմբերի 2-ին Աթաթուրքը մասնակցեց հստակ Օսմանյան պատվիրականության պատվին խորհրդային դեսպանատանը կազմակերպված ընդունելությանը: Կարախանի հետ ունեցած զրույցի ժամանակ թուրքական հանրապետության ղեկավարը ընդգծեց. «Նա մեջլիսում խոսել եմ հստակ Վաթիկանի հետ բարեկամության մասին և մեկ անգամ ևս կրկնում եմ՝ մենք երբեք առաջինը չենք բաժանվի մեր բարեկամներին: Ինչպես էլ որ շարունակվեն իրադարձությունները, բարեկամությունը մնում է բարեկամություն»¹¹: հստակ Արտգործոց նախարարին հղած հեռագրում Կարախանը արդարացիորեն դրել է, որ Աթաթուրքը դեսպանություն գալով «փորձում էր մեղմացնել դրությունը, որն ստեղծվել է «Արասի դիվանագիտական խաղի հետևանքով»:

Բացահայտելով թուրքական մանյովրի էությունը, Կարախանը կառավարության ղեկավար Իննյուտին հաստատորեն հայտարարեց. «Ինձ ոչ մի չափով չի անհանգստացնում, որ Թուրքիան գնահատում է Անգլիային, ձեռք տալով է նրան մոտիկ լինել, չի ցանկանում անել ոչ մի բան, որը Անգլիային կարող էր վնասել Թուրքիայից, մասնավորապես հրաժարվում է մեզ հետ պայմանագրի կնքելուց. այդպես մանյովրելով, նա նկատի ունի, որ Անգլիան կապահովի Թուրքիայի անվտանգությունը: Թուրքական կառավարության գործն է՝ որոշել իր արտաքին քաղաքական քայլերը և վճռել, թե իր համար ինչն է շահավետ: Բայց մենք մի բան ենք ուզում, որ Թուրքիան մեր հարաբերությունների դատավոր չդարձնի երրորդ պետություններին, իսկ գլխավորը, դա չթաքցնի մեզանից»¹²:

1937 թ. դեկտեմբերին հայտնի դարձավ Թուրքիայում հստակ դեսպան Լ. Մ. Կարախանին հայրենիք ետ կանչելու մասին: Իմանալով այդ, Թուրքիայի Մինիստրների խորհրդի նախագահը նրան նախաճաշի հրավիրեց: Կառավարության ղեկավարի հետ ունեցած զրույցի ժամանակ Լ. Մ. Կարախանը մտահոգություն արտահայտեց Թուրքիայի վրա Գերմանիայի աճող ազդեցության առթիվ: Իննյուտի հետ զրույցելիս նա նկատեց, որ Թուրքիան խաղաղության շահերի օգտին բոլոր ուժերի համախմբման դիրքերից անցնում է դեպի շեղությունների դիրքերը և որ դա համընկնում է ագրեսորների պլաններին՝ չե-

⁹ Նույն տեղում, էջ 540:

¹⁰ Նույն տեղում, էջ 774:

¹¹ Նույն տեղում:

¹² Նույն տեղում:

ղոթեցնել ըստ հնարավորին ավելի շատ պետություններ, որպեսզի ապահովեն իրենց գործողությունների ազատությունը:

* * *

1936 թ. վերջին, 1937 թ. սկզբին մի շարք բռնություններ կիրառվեցին հայրենիքի հավատարիմ շատ զավակների նկատմամբ, նրանց նկատմամբ, ովքեր ակտիվորեն մասնակցել էին հեղափոխությանը, կանգնած եղել Վ. Ի. Լենինի կողքին: Չար բախտը շրջանցեց նաև Լ. Մ. Կարախանին: 1937 թ. սկզբին Սաալինը սկսեց ղավեր նյութել նաև Կարախանի դեմ: Փետրվարի սկզբին նա մեկնեց Մոսկվա: Երկու ամիս հետո Կարախանը նորից վերադարձավ Անկարա, որպեսզի հրաժեշտի այց կատարի Թուրքիայի քաղաքական գործիչներին, խորհրդային նոր դեսպանի վերաբերյալ համաձայնություն վերցնի: Ժողկոմ Մ. Մ. Լիտվինովը ապրիլի 15-ին թուրքական դեսպանի հետ զրուցելիս հավաստեց, որ Լ. Մ. Կարախանը հետ է կանչվում ընտանեկան հանգամանքների բերումով: Դա, իհարկե, իրականությանը չէր համապատասխանում: Իրականում դա Ստալինի պահանջության ձեռքով Կարախանի ֆիզիկական ոչնչացման «գործի գցված» պլանն էր: Միանգամայն հնարավոր է, որ Լիտվինովը շիմանար Կարախանի հետ կանչման իսկական պատճառը: 1937 թ. մայիսյան մի օր Լևոն Կարախանը ժամանեց Մոսկվա և հենց Բելոռուսական կայարանում ձերբակալվեց: Միաժամանակ հետո, 1937 թ. սեպտեմբերի 20-ին գնդակահարվեց...